



02 Nr.- 06064 - 12500 dt. 19/03/ 2024

PROCESVERBALI

I mbledhjes së rregullt të Kuvendit Komunal të Drenasit të Mbajtur më datë: 29.02.2024 e cila filloi në orën 10:00.

Mbledhjen e kryesoi kryesuesi i Kuvendit Komunal-Milaim Hajdari
Kryesuesi deklaroi të hapura punimet e mbledhjes së rregullt të Kuvendit Komunal, ku të pranishëm ishin 30 anëtarë: Labinot Halilaj (PDK), Bekim Lestrani (PDK), Arigon Sinani (PDK), Zeqir Hasi (PDK), Laurita Muhadri Bujupi (PDK), Hamit Kastrati (PDK), Blerina Gashi (PDK), Gani Krasniqi (PDK), Fatmir Baliu (PDK), Qendrim Mulaj (PDK), Malsore Cakiqi (PDK), Blerina Gashi (PDK), Valentina Leku (PDK), Manushaqe Mulaku (PDK), Mirlinda Dvorani (PDK) Sali Dvorani (DD), Mergim Pirraku (DD), Mehedin Salihu (DD), Hamit Haxhiu (DD), Jahir Hajdari (DD), Azemine Bujupi-Gjoka (DD), Marigona Bazaj (DD), Florentina Elezi-Veliu (VV), Filloreta Bujupi (VV), Drin Halilaj (VV), Egzona Terrdevci (VV), Muhamet Kurtaj (VV), Arbër Halilaj (GREEN), Beqir Kiqina (AAK), Egzon Qorri (LDK). Sali Dvorani (DD). *Mungoi: Malsore Cakiqi*
Të pranishëm ishin edhe Kryetari i Komunës, Ramiz Lladrovci, Nënkyetari Arben Shala, Drejtor të Drejtorive komunale, përfaqësues të OSBE-s zyra e informimit, sekretari organizativ i Qendrës të LVV Nëntor Zeka.

Mbledhja filloi punimet me këtë rend dite:

1. Znj. Kosovare Halilaj Karaxha, emërohet anëtare e Kuvendit Komunal në Drenas, nga subjekti politik "Partia Demokratike e Kosovës" duke zëvendësuar znj. Albulena Saliuku e cila lirohet prej detyrës të anëtares së Kuvendit Komunal.
2. Procesverbali i mbledhjes së rregullt të kuvendit Komunal i mbajtur më dt. 29.01.2024.
3. Propozim vendim për plotësimin dhe ndryshimin e vendimit nr. 02-353/01-5031 dt.29.01.2024 për caktimin e lokacionit për realizimin e projektit për ndërtimin e objekteve të çerdheve në Tërstenik dhe Nekoc.
4. Propozim vendim për subvencionimin e nënave lehona.
5. Propozim Vendim për përcaktimin e kompensimit të anëtareve të komisionit komunal aksionar për ndërmarrjen publike lokale "Stacioni i Autobusëve" SH.A
6. Të ndryshme.

Mbledhja e rregullt e Kuvendit të Komunës së Drenasit u mbajt me dt. 29.02.2024, ku për diskutim ishin 6 pika për rend dite. Mbledhja është kryesuar nga kryesuesi i Kuvendit Komunal Milaim Hajdari. Kryesuesi hapi punimet e mbledhjes se rregullt të Kuvendit Komunal ku njoftoi me rendin e ditës e lartcekur.

Kryetari i Komunës Ramiz Lladrovci: njoftoi se kemi edhe një pikë shtesë për rendin e ditës: Propozim Vendim për miratimin paraprak të Vendimit për dhënien e pronave të

paluajtshme të Komunës së Glllogocit në shfrytëzim afatgjatë personave fizik/juridik (për 99 vite), në mbledhjen e kaluar e kam tërheq nga rendi i ditës jo për arsye se i kam pas apo jo votat por për arsye se Bekim Lestrani e ka ngrit një shqetësim të një familjes të dëshmoreve, dhe unë e kam shiku dokumentin e kam analizu dhe as nuk ka qenë ajo pronë e parapamë për listë fillestare dhe as nuk është në listë fillestare. Lista fillestare është një procedurë që Kuvendi duhet me miratim me i hap rrugë investimeve të brendshme dhe të jashtme, pa miratim paraprak ne nuk mund me i dhënë pronë askujt me negociim në rastet kur prona nuk ka qenë në listën paraprake tri vitet e fundit, prandaj ju ftoj që ta votoni.

Egzona Tërdevci: në emër të grupit të LVV ne jemi kundër që kjo pikë të përfshihet në rendin e ditës, ka mundur të shtohet në mbledhjen e KPF-së ka mundur të diskutohet po ja ka ardhë kështu pa na informuar, po ashtu në pronat që janë në listë janë dy probleme është parcela 13.0 në Glllobar, kam kërkuar sqarime tek Drejtorja e Infrastrukturës për projektin e Kamenicës në pisha, në atë parcelë është duke u ndërtuar parkingu i komunës nuk e di cili është kuptimi për me dhënë një parcelë në shfrytëzim nëse është duke u ndërtua një parking nga komuna për parkun e Kamenicës që është duke u ndërtuar në pisha. Si dhe është prona e komunës të vjetër përkatësisht shtëpia e kulturës për këtë pronë kam dërguar një kërkesë në Ministrinë e Kulturës tek departamenti i ruajtjes së trashëgimisë kulturore dhe ajo pronë është ende në vlerësim dhe nuk e di si mund te jepet në shfrytëzim një parcelë kur ende nuk është dhënë vendimi final nga komisioni vlerësues për këtë pronë, duke u nisur nga këto argumente dhe që nuk e kemi pas në mbledhje te KPF-së dhe as nuk ka ndonjë urgjencë për trajtim në emër të LVV ne kundërshtojmë që kjo pikë të hyn në rend të ditës.

Kryetari i Komunës Ramiz Lladrovci: sa i përket pronës në Glllobar është në listën paraprake nuk ka të bëjë a kemi me dhënë pronën në tersi, investimet e rritin vlerën e pronës. Sa i përket shtëpisë se kulturës, asnjë vlerë kulturore, arkeologjike nuk e ka salla e kulturës, a është në fazën e vlerësimit apo jo pak rëndësi ka, jemi në listë paraprake nuk e di na kemi me i leshu te gjitha në shfrytëzim a ka me pas dikush interes për ato prona dhe a ka me pas interes për gjithë pronën pra edhe një herë duhet me ardh për ta bërë ndarjen .

Egzona Tërdevci: në vitin 2022 kam kërkuar qasje ne dokumente publike me paskan dërguar informata të gabuara kërkoj falje publike që kam fol duke u bazuar në ato, sipas te dhënave objekti është ndërtuar në vitin 1954 që i bie më shumë se 45 vjet.

Kryetari i Komunës Ramiz Lladrovci: asnjë informacion te gabuar nuk e ke prej komunës.

Labinot Halilaj: unë jam kundër që të hyj si pikë e rendit të ditës, meqë nuk u diskutua as në mbledhjen e Komitetit për Politikë dhe Financa dhe sjellja e kësaj pike tepër të rëndësishme në mënyrë klandestine unë personalisht jam kundër dhe i ftoj të gjithë që ta mos votojnë.

Marigona Bazaj: edhe ne si grup i DD jemi kundër dhënies ne shfrytëzim te pronave komunale prandaj ne jemi kundër që kjo pikë të hyj rend dite.

Bekim Lestrani: lista e ngushtë për dhënien ne shfrytëzim të pronave komunale është publike që disa muaj në ueb faqen zyrtare të komunës, lista prej 70 pronave nuk është e menduar mirë dhe nuk na është prezantuar asnjë gjë as një projekt a diçka pse është ne interes me u dhënë në shfrytëzim brenda vitit, unë jam kundër dhe i ftoj edhe te tjerët me votu diçka çka nuk din se çka po votojnë.

Kryetari i Komunës Ramiz Lladrovci, ne ueb faqen e komunës i ke të gjitha pronat e komunës janë në listë që e kemi për obligim me e dergu para vitit tri, kjo listë është e njëjta sikurse muajin e kaluar nuk kam ndryshu asgjë, e pata tërheq nga rendi i ditës për shkak se pasi që e ngrite shqetësimin tuaj për ta verifikuar mirëpo nuk kam ndryshu asgjë.

Bekim Lestrani: ne votojmë këtu vetëm në bazë të asaj që prezantohet, ne seancën e kaluar i kemi pas listat përpara.

Kryetari i Komunës Ramiz Lladrovci, dokumenti që ka qenë në mbledhjen e kaluar nuk ka ndryshuar asgjë është i njëjti.

Kryesuesi i Kuvendit Komunal, Milaim Hajdari- hodhi në votim për të hyrë në rend dite propozimin e Kryetarit *Propozim Vendim për miratimin paraprak të Vendimit për dhënien e pronave të paluajtshme të Komunës së Glllogocit në shfrytëzim afatgjatë personave fizik/juridik (për 99 vite)*:

Prezent gjatë votimit ishin 30 anëtar:

“Për” votuan 13 anëtar.

Kundër votuan 16

Abstenim 1, nuk u votua që kjo pikë të hyj në rend dite.

Kryesuesi i Kuvendit Komunal, Milaim Hajdari- Meqë nuk pati diskutime apo vërejtje tjera kryesuesi hodhi në votim rendin e ditës të lartcekur, prezent gjatë votimit ishin 30 anëtar, “Për” votuan 30 anëtar, kundër nuk pati, abstenim nuk pati u miratua rendi i ditës pa ndryshime.

Kryesuesi i Kuvendit Komunal, Milaim Hajdari- hapi diskutimin për pikën e parë të rendit të ditës: **1. Znj. Kosovare Halilaj Karaxha, emërohet anëtare e Kuvendit Komunal në Drenas, nga subjekti politik “Partia Demokratike e Kosovës” duke zëvendësuar znj. Albulena Saliuku e cila lirohet prej detyrës të anëtares së Kuvendit Komunal.**

Znj. Kosovare Halilaj Karaxha, dha betimin: betohem (ose deklaroj solemnisht) se do t’i kryej, me nder, besnikëri, pa anime e me ndërgjegje dhe sipas ligjit detyrat dhe do t’i ushtroj autorizimet e mia si anëtare e Kuvendit të Komunës së Drenasit (Glllogoc), në mënyrë që të sigurohen kushte për jetë të qetë për të gjithë”

Kryesuesi i Kuvendit Komunal, Milaim Hajdari- hapi diskutimin për pikën e dytë të rendit të ditës: **2. Procesverbali i mbledhjes së rregullt i Kuvendit Komunal Drenas të dt. 27.12.2023.**

Meqë nuk pati diskutime, vërejtje apo sugjerime kryesuesi hodhi në votim këtë pikë të rendit të ditës: prezent gjatë votimit ishin 29 anëtar, “Për” votuan 29 anëtar, kundër nuk pati, abstenim nuk pati.

Kryesuesi i Kuvendit Komunal, Milaim Hajdari- hapi diskutimin për pikën e tretë të rendit të ditës: **3. Propozim vendim për plotësimin dhe ndryshimin e vendimit nr. 02-353/01-5031 dt.29.01.2024 për caktimin e lokacionit për realizimin e projektit për ndërtimin e objekteve të çerdheve në Tërstenik dhe Nekoc.**

Meqë nuk pati diskutime, vërejtje apo sugjerime kryesuesi hodhi në votim këtë pikë të rendit të ditës: prezent gjatë votimit ishin 27 anëtar, “Për” votuan 27 anëtar, kundër nuk pati, abstenim nuk pati.

Kryesuesi i Kuvendit Komunal, Milaim Hajdari- hapi diskutimin për pikën e katërt të rendit të ditës: 4. Propozim vendim për subvencionimin e nënave lehona.

Florentina Elezi: pyeti pse nuk është në rend dite edhe subvencionimi e fëmijëve për çerdhe pse nuk është në këtë mbledhje, i falënderoj në emër të grupit të gjithë asamblenë që e kanë votuar paraprakisht këtë propozim vendim i cili është shumë i rëndësishëm për të gjitha nenat e reja të Komunës së Drenasit dhe do të jetë një mbështetje shumë e madhe.

Kryetari i Komunës Ramiz Lladrovci: do ta sjellim gjatë ditëve në vazhdim. Meqë nuk pati diskutime, vërejtje apo sugjerime kryesuesi hodhi në votim këtë pikë të rendit të ditës: prezent gjatë votimit ishin 26 anëtar, "Për" votuan 26 anëtar, kundër nuk pati, abstenim nuk pati.

Kryesuesi i Kuvendit Komunal, Milaim Hajdari- hapi diskutimin për pikën e pestë të rendit të ditës: 5. Propozim Vendim për përcaktimin e kompensimit të anëtareve të komisionit komunal aksionar për ndërmarrjen publike lokale "Stacioni i Autobusëve" SH.A

Meqë nuk pati diskutime, vërejtje apo sugjerime kryesuesi hodhi në votim këtë pikë të rendit të ditës: prezent gjatë votimit ishin 27 anëtar, "Për" votuan 27 anëtar, kundër nuk pati, abstenim nuk pati.

Kryesuesi i Kuvendit Komunal, Milaim Hajdari- hapi diskutimin për pikën e gjashtë të rendit të ditës: 6. Të ndryshme.

Drin Halilaj: pati pyetje për Drejtorinë e Shëndetësisë, për zv.drejtor në QKMF në Drenas e kam të paqartë se në konkursin e rihapur tek kriteret për pranimin e zv.Drejtorit të QKMF-së sipas rregullores mbi organizimin e brendshëm të QKMF-së neni 3 paragrafi 21 thotë zv drejtori i QKMF-së zgjidhet konfrom ligjit të shërbimit civil të Republikës së Kosovës thotë që është e obligueshme që zv.drejtori i QKMF-së të jetë doktor specialist nga mjekësia familjare dhe te ketë njohuri dhe përvojë të mjaftueshme në mënyrat e menaxhimit a është shkelje e rregullores nëse zgjidhet zv.drejtori me një drejtim tjetër psh me ekonomik, kurse në konkursin e rishpallur nga ju sipas kriterëve lejohen edhe kriterë tjerë. Pyeti për drejtorinë e Kulturës poligoni në fshatin Polluzhë që është ndërtuar para 6 viteve qytetaret janë ankuar se është dëmtuar shumë a do të behet diçka lidhur me këtë poligon.

Kryetari i Komunës Ramiz Lladrovci: kur një konkurs nuk ka aplikues jo vetëm në institucionin tonë po gjitha institucionet zbresim kriteret sepse nuk po aplikon askush edhe nuk u vendos ende se kush do të zgjidhet janë kriteret. Nuk ka shkelje të rregullores, nëse ka shkelje janë organet përgjegjëse gjykata na kthen nëse dikush ankon. Ndërsa sa i përket poligonit në Polluzhë nëse shqetësimet i ngitni ktu nuk ka ndonjë efekt juridik sepse ankesat apo kërkesat duhet me u protokollua në komunë pastaj në mundemi me i dhënë përgjigje, ne kemi për obligim ligjor për riparimin, mirëmbajtjen e objekteve që kemi investu, por duhet me e bë një kërkesë e shikojmë kur t'i kemi mundësit me i reparu do te shohim.

Egzona Tërdevci: e kam një shqetësim për palestrën sportive "Hysni Jetullahu" është në gjendje shumë të keqe kam marr shqetësim nga një sportisteje e ceku që gjatë lojës ka qenë ftohtë për shkak të dëmtimit të dritareve si është mundësia për ta berë një rinovim për atë palestër sportive. Po ashtu lidhur me konkursin e fundit të QKMF-së në raport me infermier kemi marrë disa shqetësime që disa infermier që janë me shkollë të mesme dhe që janë të licencuar po ndihen të përjashtuar nga konkursi kërkoj një sqarim për këtë.

Kryetari i Komunës Ramiz Lladrovci: për palestër sportive “Hysni Jetullahu” janë edhe shqetësime tonat, i bëjmë bashkë kërkesë ministrit dhe na ndihmon me e bere ngrohjen, ne jemi duke e bërë fizibilitetin për objektet publike, janë disa procedura mirëpo nuk kemi mjete, prej vitit 2019 nuk kemi pas investime te reja për infrastrukturë prej qeverise se Kosovës.

Drejtoresha e Shëndetësisë, Lumnije Krap: sa i përket çështjen se ngritur e kemi diskutuar sepse kemi pas shqetësime të shumta mirëpo para se me hap konkursin kemi kontaktuar me oden e infermiereve dhe kemi kërkuar sqarim oda e i ka licencu edhe infermieret me shkollë të mesme edhe ata me bachelor mirëpo ne sipas kërkesave që na nevojitet kemi kërkuar infermier me bachelor mirëpo kur do që kemi nevojë për infermier me shkollë të mesme kërkojmë infermier me shkollë të mesme dmth nuk kemi bërë ndonjë shkelje apo diskriminim.

Egzona Tërdevci: sa i përket palestrës sportive është vështirë me pas buxhetin e mjaftueshëm mirëpo unë kam biseduar me ministrin Çeku ketë shqetësim ia kam përcjell edhe atij edhe Ministria e Kulturës Rinisë dhe Sportit ka vullnet për me i ndihmu në rinovim të kësaj salle .

Kryetari i Komunës Ramiz Lladrovci: po presim investime edhe për komunën tonë.

Beqir Kiqina: pati një kërkesë të banoreve të fshatit Baicë për Drejtorinë e Infrastrukturës pas shumë kërkesave që kemi pas viteve të kaluara është marrë vendim dhe ka kalu gjitha fazat e prokorimit rruga “Sabit Leku” e cila është një arterie shumë e rëndësishme që lidh shumë lagje të caktume të Baicës dhe e lidh fshatin tonë me rrugën kryesore për në Skenderaj është në gjendje jo të mirë, pasi që ka kalu gjitha fazat kur mund të filloj realizimi i projektit.

Endrit Gllareva, Drejtor i Infrastrukturës: siç e ceke kontrata është lidh por prej 15 marsit besoj qe fillojnë punimet.

Mehedin Salihu: siç e dini ne i kemi zjarrfikësit me një ekip të përgatitjes jashtëzakonisht të lartë dhe e kemi një ankesë nga ana e tyre që nuk po i paguajnë vikendeve nuk ju paguhet puna e natës dhe orët gjatë festave dmth nuk ju paguhet siç e lejon ligji mirëpo ju paguhet ma pak. I përmendet infermieret me bachelor është viti i dytë që ligji ia lejon pagat që me bachelor të kenë tjetër koeficient tek ne vazhdohet të paguhet me koeficientin e vjetër kur pritet që këta infermier ta marrin pagën sipas koeficientit që ia lejon ligji i pagave.

Nexhmedin Gruga, Drejtor i shërbimeve publike dhe emergjente: për vitin 2024 pagesat e orëve shtesë e festave dhe orëve të natës ka planifikuar një buxhet jo i mjaftueshëm për gjithë vitin mirëpo do të filloj të bëhet pagesa e tyre ndërsa për vitin 2022 janë paguar të gjitha ndërsa për vitin 2023 janë në procedurë, ndërsa për vitin 2024 do të fillojmë më pagesat e tyre por jo për gjithë vitin në mungesë të buxhetit.

Lumnije Krap, Drejtoreshë e Shëndetësisë, i kemi adresuar kërkesat për ngritjen e koeficientit në Ministrinë e Financave tani besoj se janë duke shqyrtuar.

Bekim Lestrani: pyeti drejtorin e Infrastrukturës kërkoj që ta shikoj një urë në lagjen Xhylani në fshatin Baicë se është duke e rrezikuar jetën e qytetareve, e kemi pas të planifikuar para dy viteve si projekt ku ka shkuar ai projekt, dhe kërkoj që drejtori i

infrastrukturës me ju përmbajt premtimeve elektorale të cilat janë ujët e pijes qysh vitin e parë të qeverisjes, ndriçimi qysh vitin e parë të qeverisjes, do të asfaltohen gjitha rrugët dhe rrugicat do të rregullohet ura në lagjen Xhylani, do të përfundojnë ujerat e zeza, kanë mbet vetëm 700 metra për ujerat e zeza ndërsa në çdo vit ndajmë buxhet për 2500 metra ku mbesin ato.


Kryetari i Komunës Ramiz Lladrovci: ne fshatin Baicë ne i bëjmë investimet nuk i bëni ju.

Meqë nuk pati diskutime tjera kryesuesi e konsideroj të mbyllur seancën, seanca përfundoj rreth orës 11:16 min.

Me gjerësisht, mbledhjen e rregullt të Kuvendit të Komunës së Drenasit të datës 29.02.2024 mund të ndiqni në ueb faqen zyrtare të komunës, rrjetin social të Fecebook-ut dhe në kanalim YouTube.


<https://www.youtube.com/watch?v=Qw95xoGB-vE>

Procesmbajtëse:


Liridona Fejza-Ajazi



Kryesuesi i Kuvendit Komunal


Milaim Hajdari